

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

404. An, & qualiter præfati ob negotium necessarium seu evidenter
Ecclesiæ utilitatem abesse possint ultra dictos tres menses, & interim
lucrari non tantùm fructus grossos, sed & distributiones ...

[urn:nbn:de:hbz:466:1-74477](#)

alterius, ne alias dispensatio ad secundum Canonatum esset inutilis. Idem est de Canonicō obtinente ex dispensatione parochiale, résidentes enim in parochiali sunt privilegiati ex Bulla Pii V. ad percipiendos fructus in absētia aliorum beneficiorum, quae habent. Garc. n. 343.

Quæstio 404. An, & qualiter prefati ob negotium necessarium seu evidentem Ecclesiæ utilitatem abesse possint ultra dictos tres menses, & interim lucrari non tantum fructus grossos, sed & distributiones quotidianas?

REspondeo affirmativè, juxta cit. c. unic. §. qui vero &c. juxtaq; dicta de curatis, & quidem à potiori; intelligendo tamen hoc de negotiis, & utilitate propria Ecclesiæ, non alienæ: vel etiam probabiliter de utilitate Ecclesiæ universalis, cum utilitas communis propria sit cujusque & communie bonum præferendum sit privato; unde si ob utilitatem Ecclesiæ propria licet abesse ab Ecclesiæ & choro, & tamen percipere etiam distributiones quotidianas, multò magis id licebit ob utilitatem propriæ & reliquias Ecclesiæ communem. Pirh. loc. cit. n. 90. citans Castrop. p. 2. de relig. d. 3. p. 9. §. 3. n. 1. Qualiter autem cum cit. c. unico concilietur textus c. cum non deceat. de elect. in 6to. in quo Bonifac. VIII. prescribens ait: cum Ecclesiæ suarum prosequentes utilitatem censeri debeant résidentes, fructus suorum beneficiorum, que obtinent in iis Ecclesiæ, quorum negotia prosequuntur, quotidianis distributionibus duntaxat exceptis recipient. &c. vide apud Pirh. loc. cit. num. 92. ubi inter alias, quas profert conciliations, hanc dicit esse probabilem, eamque teneri à Gl. ibid. v. utilitates. Navar. l. 3. cons. 8. de Cler. non resident. num. 4. Laym. loc. cit. n. 7. c. 3. Azor. loc. cit. q. 14. quod nimurum Bonif. cit. c. unic. adjudicetur ex dicta causa absentibus etiam distributiones, dum haec de consuetudine aut statuto ex tali causa absentibus dantur, approbando talēm consuetudinem, vel statutum. citato verò c. cum deceat, velit circa tale statutum vel consuetudinem, sive vi juris communis non deberi eas absentibus, etiam ex dicta causa; quippe quæ ex propria institutione, non nisi iis, qui divinis officiis interficiuntur, dari debent. Quamvis etiam de jure communi, cessante etiam consuetudine, percipiāt non solum fructus, sed & distributiones quotidianas, qui abest pro evidente utilitate Ecclesiæ, si præsens est in loco, ubi est Ecclesia, ut Garc. n. 359. citans Covar. cit. c. 13. nu. 8. Jo. Guttier. can. 99. l. 1. c. 1. n. 145. Zerol. Zechum. &c.

2. Poterunt igitur ultra tres menses abesse ab Ecclesiæ & choro, & percipere interim etiam distributiones, Primo Canonicus missus, v. g. Romanum, vel aliò, ut tractet negotia Ecclesiæ sua, defendat jura illius aut Capituli. Pirh. ibidem. citans Barb. de off. Epis. alleg. 53. n. 171.

2. Secundò etiam circa missionem aut jussiōnem Capituli degens alibi occupatus in visitandis & defendendis juribus, & redditibus præbendæ, vel Canonicatus, quem habet in Ecclesia, à qua absit. Pirh. ibidem citans Barb. in collectan. ad cit. c. unic. num. 12.

4. Tertiò habens in Ecclesia dignitatem, cui incumbit visitatio, v. g. Archidiaconus ratione hujus visitationis & munieris sui ultra tres menses absens à dicta Ecclesia lucratur etiam distributiones.

Pirh. ibidem. Azor. cit. l. 7. c. 7. q. 16. Quod tamen limitat Garc. cit. c. 2. num. 332, ex declarat. S. Congregationis, quam citat accipiendo distributiones pro iis fructibus Archidiaconatus, qui lucrificiunt per interessantia, negat autem de ceteris distributionibus, maximè quotidiani, quamvis n. 333. dicat, quod si esset consuetudo, ut Archidiaconus visitans suum Archidiaconatum recipret, & has distributiones, esse eam validam nec prohibitam, per cit. c. unic. juxta Monach. ibid. n. 2, ut etiam n. 336. dicit illum lucrificatum has distributiones, dum in ipsa civitate vel loco, ubi est Ecclesia, visitaret, seu actu exercebat jurisdictionem imminentem sua dignitati, dum id oportet fieri tempore horarum, nec posset commodè post aut ante illas. De cetero n. 334. & seq. inquit non obstat huic sententiæ de non percipiendis à talī distributionib⁹ quotidiani c. 3. sess. 22. Trident. ubi dicitur: quod incumbens cura animarum imminentis dignitatibus habetur pro præsente & interessente; ed quod id intelligendum, ut constat ex S. Congregat. declarationibus, quas ibidem recitat, de cura animarum propriæ tali, nempe fori interioris, non de illa, quæ est solum fori exterioris, qualem habet tantum Archidiaconus, quæ talis. Quod si & talis habeat Canonicatum, cuius fructus, & distributiones sunt distinctæ à fructibus dignitatis, etiam si alias Canonicatus adesset dignitati annexus (secus est de portione accessoriæ annexa dignitati, cum tunc sit unum beneficium, & portio ista se habeat, ut prædiūm dignitatis, adeo que ejus fructus sint fructus ipsius dignitatis, seu ejus prædii. Garc. num. 338.) non lucratetur distributiones istius Canonicatus. Pirh. loc. cit. citans Castrop. ubi supran. 9. imò nequidem fructus, nisi pro rata trium menium, quibus alibi licet Canonicō abesse. Garc. ibidem. juxta declarationem S. Congregat. quam citat n. 332. quis jam sunt duo beneficia, & visitando ratione dignitatis, non deseruit Canonicatus.

5. Quartò, qui à Capitulo missi ad Concilium generale, vel provinciale, aut Synodus, ut tanquam Theologi vel Canonista ei intersint. Pirh. loc. cit. citans Barb.

6. Quintò, Pœnitentiarius Ecclesiæ Cathedrales interea, dum confessiones audit in Ecclesia præsens in choro habetur, juxta Trid. sess. 24. c. 8. Pirh. ib.

7. Sextò, qui deputatur ad recipiendas rationes reddituum, & bonorum Ecclesiæ. Pirh. ibid. citans Castrop. ubi supran. 6.

8. Septimò, Canonicus vel alius beneficiatus tempore divinorum officiorum in Ecclesia Cathedrali, vel Collegiata privatim celebrans, etiam sine obligatione, & ex sola devotione habetur pro præsente in choro, & lucratur distributiones ex recepta consuetudine; excipit autem Canonicum habentem in eadem Ecclesia beneficium Capellæ, qui interim, dum inlerviendo suo isti beneficio absens est à choro, distributiones recipere non debet juxta declarationem S. Congregat. ad cit. l. 12. sess. 24. ita ille, quibus eti⁹ obstant clarissimæ S. Congregationis declarationes apud Garc. n. 398. in quibus dicitur; tales etiam ex sola devotione celebrantes non censeri interessi isti horæ, nec illius distributiones recipere posse, nisi jussi essent à Superiore tunc celebrare (quamvis & hunc admonitionem velint eadem declarationes, ut à tali iustificatione abstineant) idemque habeat Concilium Mediolan. Nihilominus & Garc. n. 400. a. t. in Ecclesia

ha sua Abulensi & aliis servari contrarium, nimirum ut celebrantes, etiam ex sola devotione, habeantur pro presentibus, & interessentibus choro, quæ consuetudo cum sit ex justa causa, cum totum sit cultus divini in eadem Ecclesia, & ut beneficiati inducantur ad celebrandum, videtur tolerabilis. citatq; pro hoc Covar. Duennam Hojed. &c. hic & n. 343. Adeoq; Pirh. hoc ipsum recte referebat ad meram consuetudinem.

9. Octavò, Canonicus Vicarius Capituli sede vacante in absentia non solum lucrat fructus, sed & distributiones, quia censetur esse in servitio Ecclesia (secus ac Vicarius Episcopi, qui potius est in servitio Episcopi, de quo ad quæf. seq.) cum magis commodum sit Ecclesia, ut deputeretur unus, & non exerceatur jurisdictio per totum Capitulum. Pavinus de off. & potest. Capit. sede vacante p. 2. q. 10. n. 5. Rebuff. in præxi de Vicar. Episc. n. 5, apud Garc. n. 358.

10. Denique Canonici vel habentes dignitatem &c. exercentes curam animarum incumbenter de jure vel consuetudine Canonicatus suis, vel dignitatibus pro tempore, quo in Ecclesia curata resident, & ministrant (quamvis declarat. S Congregationis apud Garc. n. 335. habeat: dum tamen sunt in actu administrandi Sacra menta, vel alia exercendi, quæ spectant ad ipsam curam) habentur tanquam presentes essent, & divinis interessent in Cathedralibus & Collegiatis, juxta c. 3. eff. 22. Trid. Pirh. l. cit. n. 91. Secùs est de Canonicis, vel dignitatem habentibus, qui parochiales non annexas seu unitas suo Canonicatu, vel dignitati obtinunt; hi enim ethi, dum in parochialibus resederint, privilegiati sunt juxta Bullam Pii V. vel ex indulto Pontificio ad perceptionem fructuum suorum Canonicatum & dignitatum, non tamen ad percipientias distributiones quotidianas, neq; optare possunt domus canonicales, neq; Canonicatum presbyterale, & familia, cum non habeantur pro presentibus. Et hoc nimirum, quando exstat consuetudo, vel statutum, quo absentes non possunt optare; secùs quo absentes possunt optare. sic habet declaratio S. Congr. ad cit. c. 3. Trid. quam etiam recitat Garc. n. 337.

Quæstio 405. An, & qualiter Canonici præbendati &c. ob servitium præstum Episcopo licite absint, & in absentia lucentur fructus & distributiones?

1. R Espondeo, jure antiquo, nempe c. decetere, & c. ad audienciam habetur, quod duo Canonici existentes in servitio seu obsequio sui Episcopi habent pro presentibus, & percipiunt fructus canoniciatum, non tamen distributiones quotidianas. Garc. p. 3. c. 2. n. 345. sed neque huic juri derogatum est per cit. c. 12. Trid. Garc. n. 346. citans Navar. consil. 1. & 2. de Cler. non resid. Gon. gl. 6. n. 255. Hojed. de incomp. benef. p. 1. c. 17. n. 29. Zech. de rep. Ecl. de Canon. n. 4. &c. qui post Trid. scripsierunt: & sic habent tres claræ declarationes Sacra Congregationis apud eundem Garc. n. 347. juxta regulam, quod lex generalis posterior limitetur & determinetur per legem priorem specialem. L. non est novum. & seq. ff. de ll. & gl. receptam in autent. offeratur. c. de litis contestatione. Sanch. de matr. l. 2. d. 24. n. 6. & alii apud Garc. n. 346. sic etiam Canonicus Vicarius Episcopi licite absit, & in absentia percipit fructus. Garc. n. 357. Pirh. loc. cit. n. 91. non tamen distributiones. AA. idem cum Rebuff. in præxi. Porro verba illa: *Et ipsius Ecclesia servitio;* qua habentur in citatis textibus non

esse amare accipienda, ita ut inferiens debeat de ea docere, sed satis esse, quod doceat de servitio pro Episcopo, ita ut dicta verba accipientur de utilitate implicita Ecclesia, cum Ecclesia sit in Episcopo, tradit Lott. cit. l. 3. q. 27. n. 191.

2. Idemque procedit Primo etiam in Canoniciis doctorali & magistrali. Garc. nu. 364. Gonz. gl. 6. num. 257. nisi id vergeret in notabile derimentum Ecclesia, quia maneret destituta literatis. Garc. n. 29. & Rebuff. tit. de dispens. de non residendo num. 40. Putat tamen Paxjord. l. 10. tit. 40. n. 170. hos non excusari à munib; legendi, & reliqua praestandi ex munere incumbentia, quia cum separata sint ab ipsa residentia, & particulariter injuncta, nec appareat de immunitate, remanent ad ea implenda obligati. Non tamen videatur procedere in Canonico Pœnitentiario, qui non videtur posse occupari in servitio ultra tres menses alias à Concilio permisso à Canonicis. Nec etiam in Canonico Lecturæ, cum ad munus illud electa sit ejus persona. Garc. n. 368.

3. Secundo in Canoniciis Ecclesiærum Collegiarum. Lott. loc. cit. n. 190. Monera de distrib. p. 2. c. 8. n. 6. contra Imol. ad c. ad audienciam. n. 13. & Jo. And. ibid. num. 2. censentes contrarium; eo quod non tanta communio sit inter Episcopum, & alias Ecclesiæ, quarta est illius cum sua Cathedrali.

4. Tertiò in inferioribus etiam Clericis non Canonicis jure aliquo ad residendum adstrictis; occurrente tamen urgente aliquâ necessitate ipsius Episcopi, & dispensatione Episcopi. Lott. n. 188. & seq. Garc. num. 369. & seq. citans Navar. in man. c. 25. & 120. & consil. 8. de etat. & qualit. num. 46. Zechum de rep. Ecl. tit. de beneficiis. n. 4. Lopez &c. cum de cetero textus illi citari, concedentes illud servitium Episcopo, expresse loquuntur tantum de Canonicis, adeoque privilegium illud non sit ad alios extendendum (etiam si determinavit Rota apud Lott. haberent vocem in Capitulo, quod aliud est, quam esse de Capitulo, ut videtur est apud Garc. n. 377. & de quo si essent tales inferiori Clerici, uti quandoque contingit in aliquibus Ecclesiis, procederent in iis dicta jura, sicut in Canonicis, cum tunc sint membra corporis Episcopi. Garc. n. 378.) utpote in materia damna Ecclesiis, & præjudicante cultui divino. Lott. nu. 185. & seq. ex Abbate in c. cum dilectus de Cler. non resid. infuper sit major communio Episcopi cum Canonicis, quam cum aliis. Garc. num. 372. Lott. num. 187. ex eodem Abb. ad c. ad audienciam. n. 8. ubi etiam docet, posse alias Clericos inferiori non Canonicos destinari, seu occupari per Episcopum pro utilitate communi, aut causa suggerente pro servitio ipsius Ecclesiæ Cathedralis (quamvis Rota apud Garc. n. 372. dicat ex Jo. And. ad c. 1. de Cler. non resid. non sufficere utilitatem totius Episcopatus in genere, sed requiri utilitatem Ecclesiæ) ita ut tunc in absentia absque dispensatione percipere possint fructus. vide Garc. cit. n. 370. & 373. ubi etiam quod alias occupati seu destinati pro utilitate communi, seu Episcopatus in genere, aut per Episcopum plures quam duo ejusdem Ecclesiæ, ut sunt v. g. Procuratores generales cleri alicujus, residentes in Curia Romana, vel aliqua regali, non excusarentur à residentia in suis Ecclesiis, nec fructus lucentur, nisi forte indulsum speciale pontificium illis hac in causa concessum.